

**Conrad-Winter Dichtungspreis 2018 : 1<sup>er</sup> Platz**

**GEHT'S ? S' GEHT SO !**

*S'geht so  
Schnall  
D'Ächterbähn  
Uhne Schälthewel  
Äss se hält !*

*S'geht so  
Schnall  
S'Auto !  
E Glieck :  
Bisch nitt drinn !*

*S'geht so  
Schnall  
D'Kindhaat vun deim Kind  
Un schun erwärtsch  
Sein nächster Färtschritt !*

*S'geht so  
Schnall  
D'ewisch Jugend !  
Dein Blick reflektiert de Glanz  
Vun ihre erschte Funke !*

*S'geht so  
Schnall  
S'Laawe – iwarhapt dein's –  
Un häsch's nitt  
Gänz erfüllt !*

*S'geht so  
Schnall  
D'Drächtsaalbähn !  
Gänz dārt owe – un schun nimmi bei uns –  
Bisch du programmiert far ze dauere ?*

**GEHT'S ? GEHT'S SO ?**

**Jeanine Ehrismann**

## Conrad-Winter Dichtungspris 2018 : 1<sup>er</sup> Plätz

**GROSSEL,**

*In deinem Nāme, isch gross un klaan : Grossele !  
E Reihe - Reihe - Rose Grossele  
E Schimmele - Schimmele trāpp - trāpp Schoss  
E Bibbele - Bibbele Komm Aierkuche  
E Quatschemuss un Budderflādde Mudder !*

*Grossele,*

*Du mein Nina Bubbele Koch - Supp  
G'miess - Supp, Flaasch - Supp  
Hāwerflocke - lāch - Supp  
Du mein bācke - bācke Rahmnudel - Dampfnudel -  
Schneiderlapple - Wässerspatzle - Spitzbiewel - Grossele !*

*Grossele,*

*Du mein stopf - strick - flick Mudder ;  
S'letschte Bauereklaad vun're Nātion :  
E Bandelschärtz, Wardāaschärtz, Sundāaschärtz, Ewerschärtz,  
Uhne Schärtz kānn mer nitt sein  
Uhne Schärtz kānn mer nitt ausrem Haus naus !*

*Grossele, Grossele,*

*Du mein Oschterhāas un Krischkindel  
In gleicher Zeit,  
Mein neijohr Bratschel  
Gross wie e Scheierdoor  
Wie e... Grossele !*

*Grossele,*

*Deini Ehrlichkaat, anfāch Anfāchhaat,  
Anfāch Grossele, mei Grossele, Mudder  
So gross un so klaan,  
So jung un so ālt,  
E Blick vun're Ewichkaat !*

*Grossele,*

*Mei Grossele, jetz  
Schloof Grossele schloof  
De Babbe hiet de Schoof,  
De Dāa steht uf  
So gross un so klaan !*

**Jeanine Ehrismann**

**ICH DÄNTZ.**

*Ich dāntz  
Meini Gedānke flieschen fort,  
Ich dāntz uhne,  
Cigal, bin ich !*

*Ich dāntz  
Ich verleer mein Schuh,  
Ich dāntz uhne,  
Ascheputzel, bin ich !*

*Ich dāntz,  
De tzigener Geischespieler begeischtert mich.  
Sein Boche streischelt d'Seile.  
Rhythmus, bin ich !*

*Far d'bucklische Glockeleiter,  
Uf em Karischeplätz  
Dāntz ich,  
Esmeralda, bin ich !*

*Far die die nimmi dāntze  
Under de Starne  
Dāntz ich,  
Verbindung, sin mer !*

*Far jedes Mol wu ich nitt gedāntzt hāb,  
Weit vun de Biehn un vun de Harze,  
Dāntz ich.  
Die verlorene Zeit, vergass ich : ich dāntz !*

*Schwungvolles Dāntzpāar,  
Unsre Schritte wirike wie e Māgnet,  
Unsre Kaarwer bāsse sich ān,  
Verliebt, sin mer !*

*Ich dāntz, wirwel, schwānk,  
Mer bringt mich widder in Schwung,  
Wu un wānn war ich dann hālte ?  
Kreisel, bin ich !*

*Ich dāntz,  
Mein letschter Dāntz ?  
Dāa vum Orkester sin gezāhlt,  
Unbewusst bin ich, ich dāntz !*